

Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Broj: A-III-29/25-IV
Sarajevo, 10.06.2025. godine

Na osnovu člana 30. Zakona o Kantonalnom tužilaštvu Kantona Sarajevo (Službene novine Kantona Sarajevo, broj: 20/02, 22/02 i 30/08), člana 64. stav 1) tačka b), člana 25., 70. i 98. Zakona o javnim nabavkama („Službeni glasnik BiH”, broj 39/14, 59/22 i 50/24) – u daljem tekstu: ZJN, člana 9. i 37. Pravilnika o javnim nabavkama roba, usluga i radova u Kantonalnom tužilaštvu Kantona Sarajevo, broj: A-419/24 od 24.05.2024. godine, te preporuke Komisije za provođenje postupka javne nabavke roba: „**Nabavka računara za potrebe Kantonalnog tužilaštva Kantona Sarajevo**“, date u Zapisniku broj: A-III-29/25–III od 09.06.2025. godine, Glavna kantonalna tužiteljica donosi:

ODLUKU

**o izboru najpovoljnijeg ponuđača i dodjeli ugovora za nabavku računara
za potrebe Kantonalnog tužilaštva Kantona Sarajevo**

I

Prihvata se preporuka Komisije za javne nabavke i Ugovor o nabavci roba – računara za potrebe Kantonalnog tužilaštva Kantona Sarajevo dodjeljuje se najpovoljnijem ponuđaču **“R&S” d.o.o. Sarajevo, Igmanska b.b., 71320 Vogošća**, a prema ponudi broj: 18501/25 od 05.06.2025. godine godine godine, s ukupnom cijenom **65.470,00 KM bez PDV-a, odnosno 76.599,90 KM sa PDV-om**, kao jedina prihvatljiva i pravilna ponuda.

II


Ugovor o javnoj nabavci dostavit će se na potpis izabranom ponuđaču **“R&S” d.o.o. Sarajevo** odmah po dostavi dokumenata iz člana 45 ZJN, čime će se ispuniti uslovi za zaključivanje ugovora, s obzirom da je samo jedan ponuđač učestvovao u ovom postupku javne nabavke, a sve u skladu sa članom 98. stav (2) tačka a) ZJN.

III

Ova Odluka će se objaviti na internet stranici Kantonalnog tužilaštva Kantona Sarajevo, istovremeno s upućivanjem jedinom ponuđaču koji je učestvovao u postupku javne nabavke, u skladu sa članom 70. stav (6) ZJN.

IV

Ova Odluka stupa na snagu danom donošenja i dostavlja se jedinom ponuđaču koji je učestvovao u postupku javne nabavke u skladu sa članom 71. stav (2) ZJN.



O b r a z l o ž e n j e

Na osnovu Odluke o pokretanju postupka javne nabavke broj: A-III-29/25 od 22.04.2025. godine pokrenut je postupak javne nabavke roba: „*Nabavka računara za potrebe Kantonalnog tužilaštva Kantona Sarajevo*“, procijenjene vrijednosti 65.500,00 KM bez PDV-a, putem otvorenog postupka javne nabavke roba.

Obavještenje o nabavci broj: 274-1-1-51-3-9/25 od 19.05.2025. godine objavljeno je na Portalu javnih nabavki, zajedno sa cjelokupnim tekstom Tenderske dokumentacije, a sažetak obavještenja o nabavci objavljen je u Službenom glasniku BiH.

Kriterij za dodjelu Ugovora, shodno odredbama člana 64. ZJN, je „najniža cijena tehnički zadovoljavajuće ponude“.

Komisija za provođenje tenderskih procedura Kantonalnog tužilaštva Kantona Sarajevo, formirana Rješenjem broj: A-135/24 (u daljem tekstu: Komisija) je dana 09.06.2025. godine u 10:15 sati, u prostorijama Ugovornog organa izvršila javno otvaranje ponuda i sačinila Zapisnik sa otvaranja ponuda, u kojem je konstatovala da je u predmetnom postupku blagovremeno zaprimljena 1 (jedna) ponuda. Javnom otvaranju ponuda nije bilo prisutnog predstavnika ponuđača. Zapisnik sa otvaranja ponuda dostavljen je jedinom ponuđaču koji je učestvovao u postupku javne nabavke u zakonskom roku, u skladu sa članom 63. stav 6. Zakona o javnim nabavkama.

Zahtjev za pojašnjenje tenderske dokumentacije u predmetnom postupku javne nabavke je dana 20.05.2025. godine uputio ponuđač „DIGITARIJA“ d.o.o. Sarajevo, u kojem traži izmjenu tehničke specifikacije, gdje navodi:

„U dijelu tehničke specifikacije za računare Brandname Tiny/Micro/Mini formata, dostavljamo primjedbu na način kako je trenutno formulisana specifikacija, jer smatramo da kumulativni skup traženih zahtjeva:

- ograničava tržišnu konkurenciju
- favorizuje konkretan brend i seriju uređaja (LenovoThinkCentre Tiny + ThinkVision)
- ne omogućava ravnopravan pristup tržišnim alternativama drugih renomiranih proizvođača (HP, Dell). Specifične tačke koje ograničavaju konkurenciju:

1. Dimenzije kućišta (max. 180 x 185 x 38 mm) – ova specifikacija izdvaja samo nekoliko modela (npr. Lenovo Tiny), dok isključuje druge brandname modele slične klase (npr. Dell Micro, HP Elite Mini) koji neznatno prelaze dimenzije.

2. USB-C 3.2 Gen 2x2 naprijed – vrlo ograničeno prisutan čak i kod vodećih proizvođača.

3. Tri interna M.2 slota (2 za SSD + 1 za WiFi) – ne postoji kao standardna konfiguracija kod svih proizvođača u Micro/Mini formatu.


4. Fiksiranje računara direktno u monitor i napajanje preko jednog adaptera – ovo je specifično rješenje kod Lenovo serije Tiny-in-One i teško je standardizirati za druge brendove bez dodatne (i nepredviđene) opreme.

5. MIL-STD-810H uz službeni izvještaj/sažetak testa – traženje dostave izvještaja testiranja može predstavljati neproporcionalan zahtjev ako sertifikat već postoji kao standard u ponudi proizvođača.

BOSNA I HERCEGOVINA | FEDERACIJA BOSNE I HERCEGOVINE | KANTONALNO TUŽILAŠTVO KANTONA SARAJEVO

Adresa: Radićeva 6, 71000 Sarajevo, Centrala: 033/276-813, Pisarna: 033/276-811, Ured glavne tužiteljice: 033/276-826, Faks: 033/276-871

Elektronska pošta: kant_tuz@bih.net.ba, Web stranica: kt-sarajevo.pravosudje.ba



Prijedlog izmjene:

Radi osiguranja veće konkurentnosti, racionalne nabavke i poštivanja načela jednakog tretmana, predlažemo da se tehnička specifikacija modifikuje na sljedeći način:


- Umjesto striktno dimenzije Tiny formata, navesti: „Kućište formata Tiny/Micro/Mini ili ekvivalent, koji omogućava ugradnju u monitor putem dodatne opreme (ako nije integrisano), ukupnog volumena do 2.5 litara“
- Umjesto 3x M.2 slot: „Minimalno 2x M.2 slot, od kojih jedan za SSD i jedan za WiFi karticu“
- Umjesto USB-C 3.2 Gen2x2: „Min. 1x USB-C 3.2 Gen2 na prednjem panelu“
- Umjesto striktno integracije sa monitorom i napajanja iz jednog adaptera: „Mogućnost ugradnje u monitor putem mehaničkog mount kita i/ili dodatnog napajanja“

Zakonski osnov: Ovakva formulacija je u skladu sa članom 54. Zakona o javnim nabavkama BiH, koji propisuje da tehničke specifikacije: • ne smiju imati za posljedicu ograničenje tržišta • ne smiju favorizovati pojedine ekonomske operatore • moraju se temeljiti na funkcionalnim zahtjevima, a ne isključivo na konkretnim tehničkim rješenjima jednog proizvođača.

Molimo vas da razmotrite ovaj zahtjev i izmijenite tehničku specifikaciju na način koji će osigurati transparentnost, ravnopravnost i veću tržišnu konkurenciju.”

U zakonskom roku, ugovorni organ je dana 21.05.2025. godine odgovorio na zahtjev ponuđača “DIGITARIJA” d.o.o. Sarajevo:

1. Dimenzije kućišta: Kada je riječ o dimenzijama kućišta, ističemo da iste nisu fiksno definisane, već je jasno naglašeno da se traže kućišta maksimalnih dimenzija do 180mm x 185mm x 38mm, čime je ostavljen prostor za učešće više proizvođača koji nude kompaktna kućišta za računare (Tiny/Mini/Micro formata). Unutar navedenih dimenzionalnih ograničenja uklapaju se serije različitih proizvođača koje su dostupne na tržištu, kao što su: ASUS Mini PC PN serija HP EliteDesk Mini serija Dell OptiPlex Micro serija Lenovo ThinkCentre Tiny serija Navedene serije računara/kućišta su prilagođene poslovnim korisnicima, podržavaju tražene funkcionalnosti, u potpunosti zadovoljavaju potrebe ugovornog organa u pogledu dimenzija, ergonomije, prostora i mogućnosti integracije. Ovakav pristup tehničkom definisanju potreba nije restriktivan, već je usmjeren ka osiguranju funkcionalnosti uz očuvanje tržišne konkurencije.
2. USB portovi: Minimalne tehničke zahtjeve definisane u tenderskoj dokumentaciji, uključujući broj i raspored USB portova (posebno prednjih portova, uključujući USB-C 3.2 Gen 2x2), zadovoljava više različitih serija renomiranih proizvođača, čime je obezbijedena dovoljna tržišna konkurencija. Među serijama koje ispunjavaju ove zahtjeve, uključujući odgovarajući broj i tip USB portova, male dimenzije kućišta (Tiny/Micro/Mini) podržavaju: Lenovo ThinkCentre Tiny serija HP EliteDesk Mini serija Dell OptiPlex Micro serija Fujitsu Esprimo Mini serija.
3. Interni M.2 slotovi: Zahtjev za tri interna M.2 slot (dva za SSD uređaje i jedan za Wi-Fi karticu) u skladu je s potrebama ugovornog organa za brzim i pouzdanim pristupom podacima, proširivošću i povezošću sistema. Naglašavamo da se ovakav zahtjev ne odnosi isključivo na radne stanice višeg ranga, već je podržan i u okviru kompaktnih poslovnih serija koje su široko dostupne na tržištu, uključujući: Lenovo ThinkCentre Tiny serija HP EliteDesk Mini serija Dell OptiPlex Micro serija Navedene serije podržavaju traženu konfiguraciju, uključujući tri interna M.2 slot. Time se omogućava višestruka



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

konkurencija, a specifikacija je formulisana na način da zadovolji stvarne potrebe ugovornog organa bez ograničavanja tržišne konkurencije.

4. Postoje računari drugih proizvođača osim Lenova koji nude mogućnost fiksiranja kućišta direktno na monitor i napajanja oba uređaja putem jednog adaptera. Ova opcija je kod "Tiny" ili "Ultra Small Form Factor (USFF)" računara, koji su dizajnirani za uštedu prostora, smanjenje potrebe prema broju utičnica/produžnih kablova i jednostavnu integraciju s monitorima. - HP ProDesk iz Mini serije ili EliteDesk serije, - Dell OptiPlex modeli iz Micro serije - Dell OptiPlex modeli iz Ultra serije - Fujitsu ESPRIMO Q serija: također omogućava montažu iza monitora pomoću VESA nosača, uz opciju zajedničkog napajanja. - Acer Veriton N Serija: Ovi mini računari podržavaju VESA montažu na kompatibilne Acer monitore, s mogućnošću napajanja putem jednog adaptera i td... Napominjemo da nismo naveli način fiksiranja na ili u monitor, pa to može biti i putem mounta.
5. Certifikat MIL-STD-810H predstavlja potvrdu da je proizvod testiran prema određenim vojnim standardima otpornosti, ali sam certifikat ne zamjenjuje obavezu dostavljanja službenog izvještaja o ispitivanju. U skladu sa tenderskom dokumentacijom, ponuđač je dužan dostaviti službeni izvještaj ili sažetak ispitivanja koji jasno potvrđuje da ponuđena oprema zadovoljava sve tražene testove i uslove iz standarda MIL-STD-810H. Ovaj izvještaj je ključan za verifikaciju usklađenosti proizvoda i osigurava transparentnost i pouzdanost u procesu nabavke.

Nakon otvaranja ponuda, Komisija je izvršila pregled i ocjenu prispjelih ponuda, te sačinila Zapisnik o pregledu i ocjeni ponuda broj: A-III-29/25-III od 09.06.2025. godine, koji je sastavni dio ove Odluke, i u kome je konstatovala sljedeće:


U ostavljenom roku blagovremeno je pristigla jedna (1) ponuda i to ponuda ponuđača: **"R&S" d.o.o. Sarajevo.**

Komisija je konstatovala da je dostavljena ponuda ponuđača: **"R&S" d.o.o. Sarajevo, prihvatljiva** prema obliku, sadržaju, potpunosti, sposobnosti obavljanja registrovane djelatnosti i tehničke i profesionalne sposobnosti, te da ponuđena vrijednost ponude odgovara planiranim, odnosno osiguranim sredstvima.

Komisija je takođe izvršila provjeru računske ispravnosti prihvatljive ponude po tački 10.5. Tenderske dokumentacije i konstatuje da ponuda nije imala računskih grešaka.

U skladu sa tačkom 8.4.2. b) tenderske dokumentacije Komisija je izvršila uvid u ponudu u pogledu zadovoljavanja **tehničkih uslova za predmete nabavke**, zahtijevanih u tehničkoj specifikaciji, datoj u Obrascu za cijenu ponude – robe – Aneks 3. tenderske dokumentacije Otvorenog postupka.

Komisija konstatuje da je ponuda ponuđača **"R&S d.o.o. Sarajevo pravilna** i da je ponuđena roba u skladu sa tenderskom dokumentacijom, odnosno tehničkom specifikacijom, da je primljena u roku za dostavu ponuda, da ne postoje dokazi o tajnom sporazumu ili korupciji, te da je ponuda rezultat tržišne konkurencije i cijene ponude nisu izuzetno niske (neprirodno niske).



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Polazeći od gore navedenih konstatacija i činjenice da je samo jedna (1) blagovremeno pristigla ponuda prihvatljiva za ugovorni organ, s obzirom da ispunjava uslove iz tenderske dokumentacije Otvorenog postupka, shodno odredbama tačke 10.6.3. tenderske dokumentacije, e-aukcija se ne može zakazati i Komisija je pristupila vrednovanju jedine prihvatljive ponude, shodno utvrđenom kriteriju „**najniža cijena**“ tehnički zadovoljavajuće ponude, te je tabelarni pregled na osnovu navedenog kriterija – rang lista prihvatljivih ponuda za nabavku roba: „**Nabavka računara za potrebe Kantonalnog tužilaštva Kantona Sarajevo**“, JRJN: 30213000-5 Personalni kompjuteri, prema tehničkoj specifikaciji sljedeći:

R.B.	Naziv ponuđača	Vrijednost ponude bez PDV-a
1.	“R&S” d.o.o. Sarajevo; broj ponude: 18501/25 od 05.06.2025. godine	65.470,00 KM

Kao prvorangirana najpovoljnija ponuda, prema kriteriju najniža cijena, je ponuda izabranog ponuđača **“R&S” d.o.o. Sarajevo, Igmanska b.b., 71320 Vogošća**, s ponuđenom cijenom **65.470,00 KM bez PDV-a, odnosno 76.599,90 KM sa PDV-om**.

Cijeneći naprijed navedeno, primjenom člana 64. stav 1. tačka b) najniža cijena ZJN, odlučeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba u pisanoj formi, koja se podnosi Ugovornom organu u roku od 10 (deset) dana od dana prijema Odluke, a u skladu sa članom. 99. i 101. stav (1) tačka d) ZJN.

GLAVNA KANTONALNA TUŽITELJICA

Meliha Dugalija



Dostavljeno:

- Ponuđač R&S d.o.o. Sarajevo putem e-maila,
- Komisija,
- U spis.